

類

焦

類雋卷第四

勾吳鹿卅鄭若鼎纂輯

山東按察司副使古虞百樓鍾

敕

同校閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明夢韓張大器

同閱

臨清州知州古完呂珩 校正

太學生汪琪校梓

時令類

社

命社

禮云二月之節擇元日命人社

立社

禮云

王爲群姓立社曰太社王自爲立社曰王社封土孝經緯云封土爲社以報功也**達氣**史記云社必受霜露風雨以達天地之氣也**社神**風俗通云共工子脩好遠遊故祀以爲社神**平土**左傳云共工氏子句龍能平水土故祀以爲社**植****穀**禮云厲山氏子柱能植五谷故祀以爲稷**后****稷**蔡邕獨斷云棄播植百谷以稷百谷之長因以稷名神漢高令州縣以春二月及臘祠社稷

稷百穀之長因以稷名神哀公問社於宰我對
曰夏后氏以松殷人以栢周人以栗漢高祖十
年春有司奏令川縣常以春二月及臘祠社稷
以羊彘**立壇**湛方生云先王建社之制遂藝樹
立壇**設壇**周禮云封人掌設王之社壇爲畿封
而樹之**反始**禮記云社供粢盛所以報本反始
也**授土**舊漢書云天子大社以五色土爲壇封
諸侯者取方面土草以白茅授之各以其方其
色以立社於其國故謂之授茅土方色如東青

南赤之類

結宗

荆楚歲時記云社日四鄰並結

宗會社

王陰

書云用命賞于祖不用命戮于社

註社主陰陰主殺

春祈

詩載芟註云春籍田而

祈社稷

秋報

詩良耜註云秋報社稷

洽歡

唐書

高祖紀云里閭立社用洽鄉黨之歡

祭日

晉稽

含云自天子至於庶人莫不用社有漢卜日丙

午魏用丁未晉社則孟月祭以酉日各因其行

迥固有不同雖共奉社而莫識其所由興說文

云祈清道神謂之社有事於道者吉凶偕名

禋

聖禮云周鬯人掌共秬鬯而餽之祀社用大**聖**

注瓦甌也**恢舞**禮云周舞師教恢舞帥而舞社

稷之祭祀**粉榆**漢郊祀志云高祖禱豐粉榆社

詔御史令豐謹理粉榆社註粉榆鄉名**宰社**漢

書陳平傳云里中社陳平爲宰分肉甚均父老

曰善平曰使平得宰天下當如是肉**三祠**後漢

書云建武二年立大社於雒陽無室有門塹而

已二月八月及臘一歲三祠**改社**唐書云則天

長壽元年九月大赦改元改用九月社賜酺**靈**

主

曹植云於惟太社官名后土是曰勾龍功著

上古德配帝皇實爲靈主克明播殖農政曰柱

尊以作稷農年是與義興社同方神此字**三祝**

何承天云社實陰祗稷惟谷先伯德方將時號

其王厥有才子實曰勾龍陶唐救災決河疏江

弃亦播殖作乂方邦克配三祝以報勲庸**方壇**

牛弘云厚地間靈方壇崇祀建以風露樹之松

梓勾萌既申芙柞伊始恭祈粢盛孝膺休祉**上**

酉潘尼云太簇協青陽履端發歲首孟月涉初

旬吉日唯上酉我后邇天休設社祈遐苟晉**祈**
福蔡邕云元正令午時唯嘉良乾坤交泰太簇
運陽乃祀社靈以祈福祥

寒食

斷火鄴中記云并州俗冬至後百五日爲介子
推斷火冷食三日作乾粥今之糗也**出火**周禮

云司烜氏仲春以木鐸修火禁于國中爲季春
將出火也**寒食**荆楚歲時記云去冬節一百五
日即有疾風甚雨謂之寒食**冷節**黃崔云齊人

呼寒食爲冷節又曰熟食又曰禁煙**忌火**丹陽

集云龍星木之位也春屬東方心爲大火懼火

盛故禁火故寒食有龍忌之禁則禁煙未必爲

子推也**內火**書大傳云以出內火注內藏也**畫**

卵王燭寶典云古之豪家食稱畫卵今代猶染

藍茜雜色仍加雕鏤通相餉遺或置盤俎管子

曰食彫卵所以發積藏散萬物張衡曰春卵夏

荀秋韭冬菁亦有聞鷄卵之戲莫知所出**麥飯**

王燭寶典云今人悉爲大麥粥研杏仁爲酪引

錫沃之孫楚祭子推文云黍飯一盤醴酪二盂
是其事也**醴酪**鄴中記云寒食煮粳米及麥爲
酪謂之醴酪**折柳**歲時記云江淮間寒食日皆
折柳插門**踴鞠**劉向別錄云寒食踴鞠黃帝所
造本兵勢也或云起於戰國**畫鵲**鄴中記云寒
食日俗皆畫鴨子相餉**墓祭**鄭正則祠享儀云
古無墓祭孔子許望墓以時祭祀**野祭**左傳云
辛有適伊川見被髮野祭者曰不百年此其戎
乎竟爲陸渾氏焉又後漢書云光武初纂大業

諸將出征有經鄉里者詔有司給少牢得拜掃
以爲榮又五代史序寒食野祭焚紙錢

魏令

魏

武帝明罰令云聞太原上黨西河鴈門冬至後
百五日皆禁火云爲子推且子胥沈江未有絕
水之事今沍寒之地老少羸弱患將不堪令人
不得寒食犯者家長半歲刑主吏百日刑令長
奪一月俸

上墓

唐制云開元勅寒食上墓禮經

無文近代相傳窠以成俗宜許上墓同拜掃禮

拜掃

柳宗元書云近世禮重拜掃今闕者四年

每遇寒食北向長號以首頓地想田野道路士
女遍滿皂隸庸丐皆得上父毋丘壠馬醫夏畦
之鬼無不受子孫追養者**鞦韆**古今藝術圖云
北方戎狄至寒食爲鞦韆戲以習輕趨後中國
效之以綵繩懸木立架士女坐立其上推引之
謂之鞦韆或曰本山戎之戲自齊風公北伐山
戎始傳中國**胃索**涅槃經云胃索釋秋千也**半**
仙開元遺事云天寶宮中至寒食節競築鞦韆
令宮嬪輩笑爲宴樂帝常呼爲半仙之戲都中

士民倣之**雞毬**唐禮樂志云天寶二年諸陵常

以寒食薦飭粥雞毬雷車**青精**陶隱居云居人

遇寒食採桐葉與細冬青染飯色青**繡草**酉陽

雜俎云寒食日賜侍臣帖綵毬繡草宣臺宴宰

相用醑醪酒**花與**金門歲節云寒食粧萬花與

煮桃花粥**龍忌**范曄後漢書云周舉遷并州刺

史太原一郡舊俗以介子推焚骸有龍忌之禁

至期月咸言神靈不樂舉火舉移書于推廟云

春中寒食一月老少不堪今則三日而已**謝火**

唐韋綬傳云綬除宣察鄭處誨爲判作謝新火
狀節及桐華恩頒銀燭綬削之曰辭非不巧但
非大臣所宜言**進火**唐輦下記云長安清明尚
食內園官小兒皆於殿前鑽火先得者進上賜
賚之**延興**輦下記云寒食都人並在延興門看
人出城西掃墓車馬喧鬧**滅燭**李崇嗣云普天
皆滅燭匝地盡藏烟不知何處火來就客心然

清明

改火

白居易云節過藏烟時當改火

禁火

會要

云禁火乃周之舊制唐宋清明日賜新火亦周人出火之義**賜火**輦下歲時記云唐朝清明取榆柳之火以賜近臣順陽氣也**拔河**景龍文館記云清明節命侍臣爲拔河之戲以大麻絙兩頭繫千餘小繩數人執之爭挽以力弱者爲負**淘井**志林云黃州俗清明日淘井**打毬**又云清明新進士開晏集於曲江亭旣徹饌則移樂泛舟遊有月燈閣打毬之會**簞茶**歲時記云清明日湖州進紫筍茶**遊園**夢華錄云京師清明日

四野如市芳樹園圃之間羅列杯盤互相酬勤
歌舞遍滿抵暮而歸**桐華**月令云清明桐始華
注三月節**鷄坊**東城老父傳云明皇樂民間清
明節開鷄戲及即位治鷄坊索長安雄鷄金尾
鉄距高冠昂尾千數養之選六軍小兒五百使
之教飼時賈昌爲五百小兒長天子甚愛幸金
帛之賜日至其家又云明皇以乙酉生而喜聞
鷄是兆亂之象也

上巳

祓禊

風俗通云周禮女巫掌歲時以祓除疾病

禊者潔也故於水上盥潔之也已者祉也邪疾

已去祈介祉也

濯流

續漢書禮儀志云三月上

巳官民皆潔於東流水上爭自洗濯祓除宿垢

秉簡

韓詩章句云溱與洧方渙渙兮士與女方

秉簡兮注簡蘭也三月桃花水下鄭國之俗上

巳於此秉蘭招魂祓除不祥

躡青

輦下歲時記

云唐人上巳在曲江傾都禊飲躡青

禊飲

蕭穎

士云禊逸禮也鄭風有之蓋取諸勾萌發達陽

景敷照握芳蘭臨清川乘和燭潔用徽介祉晉
氏中朝始參燕胥之樂江右宋齊間以文詠風
流遂爲盛集**酒下**圖經云池陽上巳日婦女以
薺花點油祝而洒之水中若成龍鳳花卉之狀
則吉謂之油花卜**華林**晉書云上巳集宴於華
林園**曲江**張建封傳云元巳宴曲江特命與宰
相同榻食**三日**沈約云魏已後祓禊止用三日
不復用已**卜蚕**雜五行書云欲卜蠶善惡常以
三月三日天陰而無日不見雨蚕大善**上餐**盧

公範饋錦儀云三月三日上踏青鞋履錢龍粧

樓記云長安有妓樂者三月三日結錢爲龍作

錢龍宴春市成都記云三月三日遠近祈福於

龍橋命曰蚕市東堂晉起居注云海西泰和六

年三月庚午朔詔曰三日臨流杯池依東堂小

會柳園酉陽雜俎云唐時三月三日賜侍臣細

柳園言帶之免蠱毒祓灞漢書云平陽公主求

良家女十餘人飭置於家武帝祓灞上還過主

見所侍美人帝不悅既飲謳者進帝獨悅衛子

夫**蓮灞**漢書云太后春幸蜚館率皇后列侯夫

人桑**蓮灞**水而後除**暴藥**夏統別傳云統詣洛

三月三日洛中公主已下並至南浮橋邊祓禊

統時在舟暴藥穩坐不搖賈克望見深竒其節

使問舡中安坐者爲誰徐荅曰會稽民間夏仲

御**薤露**後漢書云梁商上巳日會賓客於洛水

酒酣歌以薤露周舉歎之商後果薨**城洛**續齊

諧記云晉武帝問尚書郎摯虞曰三日曲水謂

何曰漢徐肇三月初生三女至三日俱亡一村

相攜之水濱盟洗泛觴曲水之義起於此也尚
書卽束皙曰昔周公城洛邑因流水以泛酒故
逸詩云羽觴隨波又秦昭王三日置酒河曲有
金人出捧水心劍曰令君制有西夏秦霸諸侯
乃因此處立爲曲水二漢相緣皆爲盛集摯虞
小生不足知也**臨洛**魏志云袁紹上巳大會賓
從於薄洛津聞魏郡兵及黑山賊覆鄴城坐客
家在鄴皆憂怖失色紹容貌自若**蘭亭**法書要
錄云穆帝永和九年三月三日王羲之與太原

孫統等四十有一人會于會稽山陰蘭亭修禊
事酒酣賦詩製序用蚕繭紙鼠鬚筆書凡二十
八行三百二十四字字有重者皆構別體

金堤

鄴中記云華林園中千金堤作兩銅龍相向吐

水以注天泉池通御溝中三月三日石季龍及

皇后百官臨池會又西征記云天泉之南有東

西溝承御溝水水北有積石壇云三月三日御

坐流杯之處

續車

續搜神記云盧充獵逐羣失

道忽見高問之曰崔少府府也及進見少府命

與女婚三日婚畢以車送還家母問故具以狀
對後四年三月三日臨水戲遙見犢車充往開
車戶見崔女與三歲男共載情意如初抱兒還
與金鏤乃別**八公**宋書云武帝三月三日登八
公出劉安故塋歎曰城廓如匹帛之統叢花**龍**
門翰林志云天后上巳日宴從臣於龍門命賦
詩樂游西京記云樂游園漢宣帝所立唐長安
中太平公主於原上置亭游賞其地四望寬敞
每三月上巳士女游戲就此祓禊幄幕雲布車

馬填塞綺羅耀日馨香蒲路朝士詞人賦詩翌
日傳於京師濯穢陸機云遲遲暮春日濯穢遊
黃河今日張協云夫何三春之今日嘉天氣之
氛氲蕙肴梁簡文帝云上巳屬辰餘萌達壤倉
庾應律女夷司候爾乃分階樹羽䟽泉泛爵羽
觴汾沂蕙肴來往賓儀式序盛德有容濯源張
華云暮春元日陽氣清明析析甘雨膏澤流盈
習習祥風啓滯導生禽鳥逸豫桑麻滋榮纖條
被綠翠葉含英於皇我后欽若昊乾順時省物

言觀中國讌及群辟初乃合樂華池祓濯清川

汎彼龍舟沂遊淇源元巳又張華云仁風道和

氣勾芒御昊春姑沈應時月元巳啓良辰密雲

蔭朝日零雨洒微塵飛軒遊九野置酒會衆賓

春禊張衡云暮春之禊元巳之辰方軌齊軫祓

于陽濱南澗孫綽云以暮春之始解禊于南澗

之濱高嶺千尋長湖萬頃方駕潘尼云暮春春

服成百草敷英蕤聊爲三日遊方駕結龍旗廊

廟多豪俊都邑有艷姿朱軒蔭蘭皋翠幕映洛

湄沉鈎出比目舉戈落雙飛羽觴乘波進素俎

逐流歸

綺花

謝惠連云綺花非一種風絲亂百

條雲起相思觀日照飛虹橋

玉渭

周丘冲云暮

春之月春服既成升陽土潤冰渙川盈餘萌達

壤嘉木敷榮后皇宣遊既宴且寧

漂瀨

庾闡云

縵湘川渚目散冲霄外清泉吐翠流淥醑漂素

瀨悠想眇長川輕瀾眇如帶

握蘭

宋文帝云握

蘭惟是旦采艾亦今朝

芳年

沈約云麗日屬上

巳芳年俱在斯開花已匝樹流鶯復滿枝洛陽

繁華子長安輕薄兒東出千金堰西臨鴈鶩陂
游絲映空轉高楊拂地垂綠萍文照耀紫燕光
陸離清晨戲伊水薄暮宿蘭池象筵鳴寶瑟金
瓶沉羽卮寧憶春蚕起日暮桑欲萎尋春廬思
道云山泉好風日成市厭囂塵聯持一樽酒共
尋千里春餘光下幽桂夕飲舞青蘋何時出門
後重有入林人興遙王勃云上巳年光促中川
興緒遙

端午

天中提要錄云五月五日午時爲天中節**端午**

風土記云仲夏端午端始也**地臘**道書云五月

五日爲地臘五帝校定生人罪福外滋萬類內

延年壽此日可謝罪求福移易官爵祭祀先祖

朱明柳宗元謝端午衣物云朱明啓節**浴蘭**大

戴禮云五月五日以蘭湯沐浴**採木**養生要集

云木味苦小溫生漢中南鄭山谷間五月五日

採又金門歲節記云洛陽端午作木羹艾酒**刻**

蒲歲時記云端午刻菖蒲爲人或葫蘆形帶之

辟邪

桃印

續漢書劉昭云桃印本漢制以止惡

氣今世端午以采繒篆符相問遺亦以置屏帳

門戶

艾虎

歲時記云端午以艾爲虎形至有如

黑豆大者或剪綵爲小虎粘艾葉戴之**采繒**裴

玄新語云五月五日

繫

五綵繒謂之辟兵又應

劭風俗通云五月五日以采絲繫臂謂之續命

綵俗說能益人壽筭又風俗通云一名辟兵繒

一名條脫

百索

文昌雜錄云唐歲時節物五月

五日有百索粽子又李肇翰林志云端午賜百

索爲壽索又禮儀志云朱索懸門止惡氣烹鶩
周處風土記云仲夏端午烹鶩角黍梟羹郊祀
志云漢令郡國補梟五月五日爲羹賜百官以
惡鳥故食之也又云止妬採艾玉燭寶典云以
穰毒氣荆楚歲時記曰宗文席常以五月五日
未鷄鳴時採艾見似人處攬而取之用灸有驗
是日競採雜藥又歲時記云五日縛艾爲人形
懸門戶上以穰毒氣角黍歲時記云端午以菰
葉棗粘米謂之角黍蓋取陰陽包裹之義或云

亦爲屈原恐蛟龍奪之以五采線纏飯投水中

遂襲云

兢渡

荆楚歲時記云俗謂屈原五月五

日投汨羅人傷其死是日命舟楫拯之至今爲

兢渡之戲又越地傳云起於勾踐

蟾蜍

崔寔月

令云五月五日取蟾蜍可已惡疽瘡東行螻蛄

治婦人難產又抱朴子云蟾蜍千年生角項下

丹書八字五月五日午時取陰乾百日以其足

畫地即爲流水

竹水

金門歲節記云重午日午

時有雨則急聽一竿竹節中必有神水漚取獮

肝爲丸治心腹積聚

棗船

唐語林云杜亞節度

淮南方春民爲菰渡戲亞欲輕駛乃棗船底篙

人衣油綵衣沒水不濡

天師

歲時記云端午都

人爭賣張天師畫像或泥塑之髮艾蒜拳置于

門

鸛鵒

零陵記云鸛鵒人多養之五月五日去

其舌尖則能語其聲清越鸛鵒不能過也

守宮

漢武故事云帝以端午日取蜥蜴置之器飼以

丹砂至明年端午搗之以塗宮人臂有所犯則

消沒不爾則如赤志故名守宮

蜥虎

淮安王萬

畢術云五月五日取蠅虎杵碎拌豆置几上自
助曜可擊蠅進圖酉陽雜俎云北朝婦人五月
進午時園五時花施帳之上是日又進長命縷
宛轉皆結爲人象爲禮儀志云天寶二年諸
陵常以五月五日薦衣扇俗禁風俗通云五月
蓋屋令人頭禿又異苑云新野庾寔家嘗以五
月曝席忽有小兒死席下俄失所在其後寔女
子遂亡相傳彌以爲忌剪續青箱雜記云晉謝
靈運鬚美臨刑施爲南海祇洹寺維摩像鬚唐

中宗朝安樂公主五日聞百草欲廣異物令馳
驛取之又恐爲他得因剪棄其餘棄流小說云
胡廣本姓黃以五月五日生父母惡之藏之葫
蘆棄之河流人收養之長有盛名父母欲取之
廣以爲背所生則害義背所養則忘恩兩無所
歸託葫蘆而生因姓胡名廣後登三司孝娥列
女傳云孝女曹娥會稽上虞人父盱能弦歌爲
巫祝漢安二年五月五日於縣江沂濤迎神溺
死不得屍娥年十四乃沿江號哭晝夜不絕聲

旬有七日遂投江而死三日後與父屍俱出

忌

產異苑云俗忌五月產子田文母五月五日生

文父令勿舉毋私舉文長啓父曰不舉五日子
何父曰及戶損父文曰受命於天豈戶邪若爾
何不高之夫誰能及父心知其賢後封孟嘗君
又西京雜記云王鳳以五月五日生父欲不舉
曰子長及戶則自害否則於父母其叔父曰昔
田文亦以此日生非不祥遂舉之**借襦**借唐史
云孫伏迦上表近太常於民間借婦女裙襦充

妓衣擬五月五日玄武門遊戲非所以爲子孫

法射食

開元遺事云宮中端午造粉團角黍貯

盤中以小角弓射之中者得食都市盛行此戲

賜扇

唐書要錄云太宗五日謂長孫無忌楊師

道曰五日舊俗必用服翫相賀朕今各賀君飛

白扇二枚庶動清風以揚美德

念女

唐書云肅

宗端午日召見山人李唐方擁幼女顧唐曰我

念之無惟也唐曰太上皇今日亦當念陛下帝

泣然涕下內制於張后卒不敢謁西宮

龍鏡

異

聞集云天寶中揚州進水心鏡背有盤龍先有
老人自稱爲龍護至鑄鏡所三日開戶已失所
在鏡匠呂輝移爐以五月五日於揚子江心鑄
之背龍頗異後大旱祀之乃大雨**早夏**王筠云
裁縫逗早夏點畫守初晨綃紈旣妍媚脂粉亦
香新長絲表良節命縷應嘉辰結廬同楚客採
艾異詩人折花競鮮彩拭露染芳津含嬌起斜
眄歛笑動微顙猷璫依洛浦懷珮似江濱湏待
恩光接中夜奉衣巾**朝陽**魏收云麥涼殊未畢

蜩鳴早欲聞喧林尚黃鳥浮天已白雲辟兵書
鬼字神印題靈文因想蒼梧邵茲日祀陳君

夏至

陰生

易疏云夏至陰生陰是陽動極而復於靜

陰下

五經通義云冬至陽動下惟陽動下故陰

動上夏至陰動下陽動上故爲火爲熱

氣會春

秋繁露云夏至陰陽二氣之會也

爲水

淮南子

云陽氣爲火陰氣爲水水勝故夏至火勝故

冬至燥

三至

三禮云夏至有三義一明陽氣之

至極二明陰氣始至三見日行之北至**極近**前

天文志云日行北至東井去北極近夏至至於

東井北近極故晷短立八尺之表而晷景長尺

五寸八分**景短**前律曆志云日到北去極彌近

其景彌短近短乃極夏乃至焉**日永**書云日

永星火以正仲夏注夏至之日火蒼龍之中星

離氣易通卦驗云夏至離氣不至則日無光五

穀不榮人民病目**內衡**孝經緯云日周天有七

衡夏至日在內衡**茂物**春秋繁露云王者能致

和夏至之後火景降萬物茂**恒冰**神異經云北方荒有召湖方千里恒冰夏至左右五日內乃解**伯趙**左傳云伯趙氏司至者也注伯趙伯勞也以夏至鳴冬至止**刊柞**周禮云柞氏夏至刊柞木而火之**土炭**史記天官書云先至三日垂土炭於衡兩端輕重適均夏至日陰氣至則土重**禴**周禮云宗伯以夏至致地祇物鬼以禴國之凶荒民之札喪注禴祭也鬼音昧**養陰**五經通義云夏至陰始動未達故寢兵鼓不設政

事所以助養陰氣也。**禮地**周禮云大司業凡樂夏至日於澤中之方丘奏之則地示皆出可得而禮矣。**辟兵**風俗通云夏至著采符題曰游光獸五兵厲鬼知其名不病疫。**穀始**管子云夏至而麥熟天子祀太廟其盛以麥穀之始也。**改水**續漢禮儀志云夏至日浚井改水冬至日鑿燧改火

伏

金伏

曆忌釋云伏者金氣伏藏之日四時代謝

皆相生立春木代水水生木立夏火代木木生火立冬水代金金生水至於立秋以金代火金畏於火故至庚日必伏庚者金故也

陰迫

漢郊

祀志云六月伏日周時無至此乃有之師古曰伏者謂陰氣將起迫於殘陽而未得升故爲藏

伏

三旬

陰陽書云從夏至後第三庚爲初伏第

四庚爲中伏立秋後初庚爲後伏謂之三伏曹

植謂之三旬

羊酪

潘安仁云牧羊酪酪以候伏

臘之費

自勞

楊惲云田家作苦歲時伏臘烹羊

炮羔斗酒自勞

祠社

史年表云秦穆公二年初

作伏祠社磔狗四門以禦蠱災則祠社用伏日

擇伏

風俗通云漢中巴蜀自擇伏日俗云其地

濕暑草木蚤生晚落氣異中國夷狄畜之故令

自擇伏日

湯餅

荆楚歲時記云六月伏日並作

湯餅名爲避惡

封功

前漢高祖記云論功定封

每擇伏日

賜肉

漢書云東方朔爲郎伏日詔賜

諸郎肉朔獨拔劍割肉謂其同官曰伏日當早

歸謂受賜即懷肉而去上問朔曰賜肉不待詔

而去何也上令自責朔曰受賜不待詔何無禮也拔劍割肉一何壯也割之不多又何廉也歸遺細君又何仁也上笑曰令生自責而反自譽

伏閑

後漢書云和帝永元六年初令伏閑盡日

注漢官舊儀曰伏日厲鬼行故盡日閑不干它

事

伏寒

唐五行志云大曆四年六月伏日寒

冰

山

天寶遺書云楊氏子弟每至伏中取大冰使

匠琢成山週圍於宴席間座右雖酒酣而各有寒色亦有挾纊者又作鳥獸之形送遺王公

火

飛 侯湛云三伏相仍徂暑彤彤上無纖雲下無
微風扶桑施以增熾大火曄其南升**焦暑**王彪
之云三伏焦暑元陽重授輕飈不扇纖雲不覆
摩暑潘岳云初伏啓新節隆暑方赫職朝想慶
雲興夕遲白日移揮汗辭中宇登城臨清池涼
風自遠集輕衫隨風吹

七夕

雙星焦林大斗記云天河之西有星煌煌與參
俱出謂之牽牛天河之東有星微微在氏之下

謂之織女世謂雙星**天孫**史天官書云織女天
孫也**洗車**歲時雜記云七月六日有雨謂之洗
車雨七日雨云洒浹雨**乞巧**天寶遺事云唐宮
中七夕以錦綵結成樓殿陳花果酒炙以祀牛
女嬋妃穿針乞巧動清商之曲宴樂達旦士民
效之**鵲河**淮南子云烏鵲填河而渡織女**曝書**
崔寔四民月令云七月七日曝經書設酒脯時
果散香粉於庭上祈請於河鼓織女言此二星
神當會守夜者咸懷私願或云見天漢中有弄

奕正白氣如地河之波輝輝有光曜五色以此
爲徵應見者便拜乞願三年乃得渡河續齊諧
記云桂陽城武丁有仙道謂其弟曰七月七日
織女當渡河諸仙悉還宮弟問曰織女何事渡
河荅曰織女暫詣牽牛世人至今云織女嫁牽
牛祀星周處風土記云七月七日其夜灑掃於
庭露施几筵設酒脯時果散香粉祀河鼓織女
二星祈者咸得私願星酒金門歲節記云洛陽
人間乞巧造明星酒裝同心繒祭杼唐百官志

云織染署七月七日祭杼**研餅**唐六典云膳部
有節日食料注謂七月七日**研餅****曾城**與地志
云齊武帝起層城觀七月七日宮人多登之穿
針世謂之穿針樓**開襟**西京雜記云漢綵女常
以七月七日穿針於開襟樓**太白**獨異志云秦
併六國時太白星竊織女侍兒梁玉清衛承莊
逃入衛城小仙洞四十六日不出天帝怒命五
獄搜捕太白歸位衛承莊逃焉玉清子名子休
玉清謫畚北斗下其子配河伯行雨**桃實**漢書

內傳云七月七日西王母降帝東方朔於朱雀
牕中窺母以桃七枚獻帝帝欲留核種之母笑
曰此桃一千年生花一千年結實指方朔云曰
日此兒三偷桃矣緱山列仙傳云王子喬見桓
良曰告我家七月七日待我於緱氏山頭至時
乘白鶴在山頂望之不得即舉手謝時人數日
而去浴師列仙傳云陶安公者六安鑄冶師行
火有朱雀止冶上曰安公安公冶與天通七月
七日迎汝赤龍龍後至安公騎之上升曝衣漢書

故事云大液池西有漢武帝曝衣樓七月七夕
宮女出后衣曝之**得梭**秘閣閒話云蔡州蔡氏
每七夕禱以酒果忽見流星墜筵中明日瓜上
得金梭自是巧思益進**暴禪**竹林七賢論云諸
阮皆足於財唯籍一巷好酒而貧舊俗七月七
日當曝衣諸阮庭中爛然綿綿籍兄子咸時總
角乃豎長竿標大布犢鼻褌於庭中曰未能免
俗聊復爾耳**參合**後魏書云道武帝七月七日
生於參合殿**猗蘭**漢武故事云景帝夢高祖謂

已曰王美生子可名爲彘以乙酉年七月七日
旦生武帝於猗蘭殿洞冥記曰景帝夢一赤彘
從云中下崇芳閣帝覺而坐於閣上果見赤氣
如林來蔽戶牖乃改閣爲猗蘭殿後王夫人生
武帝據此則武帝初名彘也**神光**後漢書云竇
后少小頭禿不爲家人所憊遇七夕人皆看織
女獨不許后出乃有神光照室爲后之瑞**連綬**
西京雜記云戚夫人侍兒賈佩蘭云在宮時見
戚夫人侍高祖至七月七日臨百子池作千闌

樂畢以五色縷扣羈謂爲連綬
曬腹世說云郝隆七月七日見隣人皆曝晒衣服隆乃仰臥出腹云晒書
鞭背神仙傳云仙人王遠字方平位爲總真人七月七日偶降蔡經家威儀如大將軍持玉壺十二皆蠟封遣人招麻姑至則指瓜長數寸經意度可爬癢忽有鐵鞭經背時陳縣尉聞經家有神人乞見遠曰君心邪未可教仙道與一符曰可存本壽陳後一百十二歲
私語開元遺事云元宗與貴妃避暑驪山宮七夕

夜半妃獨侍上上凭肩密相擔心願世世爲夫

婦雲寶

唐寶記云尼李氏號真如天寶七年七

月七日見五色雲墜地一囊中有五物乃寶玉也肅宗初真如爲神人召往化城見天帝授以八寶俾獻于朝真如乃併前五物獻之**天車**郭子儀至銀州夜天上輶車綉幄中有美女自空而下子儀拜祝云今七月七日必是織女降臨願賜長壽富貴女笑云大富貴亦壽考後如女

言占巧

開元遺事云帝與妃子每至七夕夜在

華清宮宴時宮女各以蜘蛛納小金合中至時
開視蛛絲稀密以爲得巧之多少民間効焉
星謝莊云容裔汎星道逶迤濟煙潏**雲川**王微
云藻帳越星波玉飾渡雲川**二七**劉禎云素秋
二七天漢指隅日暮宴罷車騎就衢蓋如飛鶴
馬如游魚**黃姑**王臺新詠云東飛伯勞西飛燕
黃姑織女長相見註牽牛爲河鼓聲轉爲黃姑
也**九微**何遜云仙車駐七襄鳳駕出天潢月映
九微火風吹百和香九微燈名漢武然之降西

王母**天媛**謝朓云金祇司矩火曜方流林鍾登

御夷則鳴秋朱光旣歛涼雲始浮盈夕露之藹

藹升夜月之悠悠步廣庭而延睠屬天媛而淹

留**組幕**劉銖註動清風扇火移炎氣歇廣簷含

夜陰高軒通夕月安步巡芳林傾望極雲闕組

幕縈漢陳龍駕凌宵發沉情未申焉飛光已飄

忽來對眇難期今歡自茲沒**鹽四**謝惠連云落

日隱簷楹升月照簾櫳團圓蒲葉露淅淅振條

風蹀足循廣除瞬目睨層穹雲漢有靈匹彌年

關相從遐川阻昵愛修渚曠清容投杼不成藻

聳轡驚前蹤昔離秋已兩令長夕無雙沃若靈

駕旋寂寞雲慳空留情願華寢遙心遂奔龍抽

縷劉蓮云步月如有意情來不自禁向光抽一

縷舉袖弄雙針**針歌**梁簡文帝云曰憐從帳裏

出想見夜窻開針歌疑月暗縷散恨風來**桂秋**

江揔云漢曲天榆冷河邊月桂秋婉孌期今夜

飄飄渡淺流輪隨列宿動路逐綵雲浮橫波翻

瀉淚束素反緘愁此時攄杼息獨向紅粧羞**迎**

寒柳惲云代馬秋不歸縑紈無復緒迎寒理夜

縫映月抽纖縷清露下羅衣秋風吹玉柱流景

對秋夕餘光欲難取**二神**杜審言云白露含明

月青雲斷絳河天街七襄轉關道二神過袷服

鐙環珮香筵拂綺羅年年今夜盡撚杼別情多

中元

孟蘭唐書云代宗信浮屠七月望日宮中造孟

蘭盆綴飾鏤琲設高祖以下七聖位幃節衣服

皆具禁內分詣道佛祠饒吹鼓舞奔走相屬**張**

燈會要云開寶四年七月中元節京城張燈

中秋

珠多

海賈云中秋有月則是歲珠多

蟾臺

酉陽

雜俎云長慶中八月十五日夜有人玩月見林

中光燭天如匹布尋視之見一金背蟾
觀濤

牧乘云將以八月之望與諸侯並往觀濤於廣

陵之曲江

武夷

諸山記云武夷山神號武夷君

一日語村人曰汝等以八月十五日會山頂是日畢集聞空中人聲不見其形湏臾樂響亦但

見樂器

天柱

三水小牘云趙知微有道術中秋

積陰不解知微曰可備酒肴登天柱峯翫月既
出門天色開霽及登峯月色如晝比下山淒風
苦雨陰晦如故**取月**宣室志云唐太和中周生
善道術中秋客至周曰我能挈月置懷袖中因
取數百斤繩梯架之命閉目良久忽天黑仰視
無雲俄呼曰至矣手舉其衣出月寸許一室盡
明寒入肌骨食頃如初**牛渚**晉書云謝尚鎮牛
渚八月十五日夜與左右微服泛江會袁宏於

舫中諷詠聲清即迎升舟與之談論游月明皇
雜錄云上與太真葉法靜八月望日游月宮少
頃見龍樓雉堞金闕玉扉冷氣逼人後西川奏
其夕有天樂過撒燭翰苑名談云蘇頲與李義
對掌文誥八月十五日夜於禁中直宿諸學士
翫月備宴時月色如畫蘇曰清光可愛何用燈
燭遂使撤去文簫傳奇云鍾陵西山有觀每中
秋豪家貴游多召名姝善謳者夜與丈夫間立
握臂連踏而唱以對答敏捷者爲勝太和末有

書生文簫往覲覲一姝甚麗其詞曰若能相伴
陟仙壇應得文簫賀綵鸞自有綉襦并甲帳瑗
臺不怕雪霜寒生意其神仙植足不去姝亦相
吟歌罷獨秉燭穿大松逕將盡陟山捫石冒險
而升生躡其蹤姝曰莫是文簫耶相引至絕頂
坦然之地後忽風雨裂帷覆機俄有仙童持天
判曰吳綵鸞以私欲洩天機謫爲民妻一紀姝
乃與生下山歸鍾陵

重陽

三節

舊唐書云貞元四年詔正月晦日三月三

日九月九日三節日任百寮追賞爲樂**重陽**魏

文帝云九月九日九爲陽數日月並應俗宜其

名此重陽之義**無厭**風土記云無厭紹候上九

考塲**折萸**風土記云九月九日折茱萸房以插

頭言辟除惡氣而禦初寒又西京雜記云九日

佩茱萸令人長壽**菊酒**西京雜記云漢武宮人

賈佩蘭九月九日佩茱萸食餌飲菊花酒云令

人長壽**冠簪**周官籩人云羞寢之實糗餌粉養

注糗餌者豆末屑蒸之以粿方言餌謂之饊或謂之糝蓋重九日所設**食餌**玉燭寶典云九日食餌其時黍稷並收因以黏米加味嘗新**食糕**歲時雜記云二社重陽尚食糕而重陽爲盛大率以棗爲之或加以栗亦有用肉者又夢華錄云都人重九各以粉麵蒸糕相遺上插剪綵小旗糝釘果實如榴栗銀杏松實之類**采菊**太清草木方云九月九日採菊花與茯苓松脂久服之令人不老**嬰符**今門歲節記云洛陽人家重

陽作迎涼脯羊肝餅佩癭水符**湖山**臨海記云
郡北四十步有湖山山甚平正可容數百人坐
民俗極重九日菊酒讌會此山者常至三四百
人**籍野**荆楚歲時記云九月九日四民並籍野
飲宴**勅賞**唐書云貞元中勅九月九日任百寮
追賞**戲馬**南齊書云宋武帝爲宋公在彭城九
日嘗登項羽戲馬臺至今相承爲故事**三磴**襄
陽記云望楚山舊名馬鞍宋武陵王駿爲刺史
改爲望楚山駿後龍飛人號爲鳳嶺嶺有三磴

劉弘山簡九日宴賞于此**九井**如熟記云縣南

十里有九井山殷仲文九日從桓公九井賦詩

之所**滕王**王勃傳云勃過鍾陵九月九日都督

大宴滕王閣宿命其婿作序因出紙筆遍請客

至勃泛然不辭遂酣卧少頃成文坐客大駭**落**

帽晉書云孟嘉爲桓溫叅軍九月溫遊龍山僚

屬畢集風吹嘉帽落不覺如廁溫授孫盛紙筆

命嘲之著嘉坐處嘉還見之笑請紙作答了不

容思**更囊**續齊諧記云汝南桓景隨費長房遊

學長房謂曰九月九日汝家有厄急去令家人
作絳囊盛茱萸繫臂登高飲菊花酒可解此厄
歸如言還見鷄狗牛羊一時暴死九日登高飲
酒帶茱萸囊始此**送酒**續晉陽秋云陶潛九日
無酒坐宅邊東籬下菊叢中摘盈把未幾望見
白衣人至乃王弘送酒便即酣飲**執經**晉陽秋
云寧康三年九月九日上講孝經謝安侍坐陸
納卞耽執讀謝石表宏執經車胤王溫摘句**講**
武南齊書云南齊以九月九日馬射講習武事

象漢立秋之禮

飀館

南齊書云高祖九日登高

飀館館在孫陵寺岡時呼爲九日臺

譚鑑

嘉話

錄云袁師德給事中高之子九日出饒謂坐客

曰某不忍食請諸公先俛首久之

尹歌

江南野

史云唐尹氏善歌因重陽與女伴登南山文峯

同輩命之歌乃顰眉緩頰怡然一曲聲達數十

里故俗者舊云尹氏之歌聞于長安

別會

韋綬

傳云綬爲集賢學士重九日宴群臣曲江綬請

集賢院學士得別會帝命從之

菊歌

唐韋綬傳

云綬爲學士以心疾還第會九日德宗作黃菊
歌顧左右曰安可不示帝綬即遣使持往綬遽
奉和附進**綬箭**太平唐記云唐蕭瑀不解射九
月九日賜宴較射矢俱不着鵠歐陽詢誅之曰
急風吹綬箭弱手御強弓欲高翻復下應西還
更東借問誰爲此只應是宋公宋公瑀封國也
射鴈廣異紀云唐明皇重陽日獵沙苑射中飛
鴈帶箭西南去益州道觀第一院有道士徐佐
卿寄寓忽自外持一箭歸曰吾行山中爲飛箭

所傷已無恙因掛箭于壁書其日月且云後十年箭主到此付之後明皇幸蜀至觀乃見箭花
神詩話云潤州鶴林寺有杜鵑花或見女子紅裳艷粧遊花下人謂花神也周寶鎮浙西謂道人殷七七曰鶴林寺花可開到重九乎曰可乃前二日往女子來謂曰今爲道者開之至九日爛熳
題聞見錄云劉夢得欲用饒字作九日詩以不見經傳不復作宋子京有九日食饒云
飈館經霜拂曙袍糗餼花飲闌分曹劉卽不敢

題鏤字虛負詩中一世豪遂爲絕唱**題壁**潘大

臨云秋來清卧聞攬林風雨聲遂起題壁曰滿

城風雨近重陽忽催稅人至敗興竟不成詠**題**

朔謝靈運云季秋邊朔苦旅鴈遶霜雪**授服**謝

眺云風至寒授服霜降休百工巢幕無留燕遵

渚有來鴻輕霞冠秋日迅商薄清穹**九旻**傅亮

云歲九旻之暮月肅晨駕而朝逝度迴壑以停

輟凌孤館而遠憇何物慘而節哀又雲悠而風

厲悴綠葉於寒渚隕豐灌於荒漣**秋校**丘遲云

朱明已謝尊收司禮爰理秋祓備楊旌祭落翠

王修已云霜威始落翠寒氣初入堂墮珠爛似

燭懸梨疑夜光泛蘭顏測云亭席飲徂蕙登酒

泛初蘭早白李白云九日茱萸熟插髮傷早白

登高望山海滿目悲古昔龍沙權德輿云龍沙

重九會千騎駐旌旗京野張曲江云邵庭常窘

東涼野求昭曠楚客凜秋時栢公舊臺上梨紫

王褒云黃山獵地廣青門官路長律改三秋節

氣應九鍾霜射馬垂雙帶豐貂佩兩璜苑寒黎

樹紫山秋菊葉黃華露霏霏冷輕颼颼傷終
慙蜀車對空假侍中郎澤宮賀凱云商颼凝素
簫玄覽賁黃圖曉霜驚斷鴈晨吹結栖鳥寒花
低岸菊涼葉下庭梧澤宮中舊典相圖叶前模
玉砌分雕戟金溝轉鏤衙帶星飛復箭映月上
軒孤慶展簪裾洽恩融雨露濡天文發丹篆寶
思掩玄珠承歡徒聳抃負弛竊忘軀

冬至

陽復

易云反復其道七日來復天行也䷗陽氣

始於剥盡之後至陽氣來復時凡經七日如褚氏莊氏並云五月一陰生至十一月一陽生凡七月而云七日不云月者欲見陽長須速故變月言日

陽升

崔駰云陽升於下日永於天長履

景福至千億年

星昴

書云日短星昴以正仲冬

注日短冬至之日昴西方白虎七宿之昴宿冬

至昏之中星傳亮冬至詩曰星昴殷仲冬短晷

窮南陸

陰化

禮記云仲冬之月日短至陰陽爭

注爭者陽欲施陰欲化爭成功也

交讓

神農書

云冬至陰陽合精天地交讓天爲尸濕地爲不
凍君爲不朝百官爲不親事**三義**孝經疏云斗
指子爲冬至有三義一者陰極之至二者陽氣
始至三者日行南至故謂之至**巽維**歷義疏云
日之行天至於巽維東南角極之於此故曰冬
至**添線**歲時記云晉魏間宮中以紅線量日影
冬至後日添長一線又文昌雜錄云唐宮中以
女功揆日之長短冬至後比常日增一線後魏
崔浩女儀曰近古婦人常以冬至日上履襪於

男姑踐長至之義也陽歸張平子云冬至陽氣

歸內腹中熱物入胃易消化黃鍾令狐楚云建

子實三微之宗黃鍾爲六律之本冬氣方至璧

星正中首出三統之正始生一陽之數日遠後

漢律歷志云日道發南去極彌遠其景彌長冬

乃至焉踐長曹植云冬至獻履所以迎福踐長

又孫仲益云踐長光亨之始連璧桓譚新論云

從天元已來訖十一月朔朝冬至日月若連璧

融風符瑞圖云冬至東北方融風至履長玉燭

寶典云十一月建子周之正月冬至日南極景
極長陰陽日月萬物之始律當黃鍾其管最長
故有履長之賀**辰****斗**春秋考異云日冬至辰星
升**虛****賊**黃帝鍼灸經云冬至日風從南來者名
爲虛賊傷人**亞****歲**宋書云魏晉冬至日受萬國
及百寮稱賀因小會其義亞於歲朝曹植冬至
獻襪履頌曰亞歲迎祥履長納慶**八****神**易通卦
驗云冬至之日立八神樹八尺之表日中視其
畧畧如度者則歲美人和不即歲惡人戡畧入

則水畧退則旱進二寸則月食進尺則日食注
進謂長於度也**成天**易通卦驗云冬至成天文
注祭而成之所以報也禮記云仲冬日短至陰
陽爭諸生蕩君子齋戒處必掩身無躁去聲色
禁嗜慾安形性事欲靜以往陰陽之所定**合土**
續漢書曰天子常以冬夏日至御前殿合八能
之士陳八音聽樂均度晷景候鍾律權土炭倣
陰陽也**從樂**易通卦驗云冬至之始人主與群
臣左右從樂五日天下之衆亦家家從樂五日

爲迎日至之禮注從就也**書雲**左傳云僖公五

年辛亥朔日南至公既視朔遂登觀臺以望而

書禮也凡分至啓閉必書雲物爲備故也**國丘**

周禮云大司樂凡樂蠶鼓孔竹之管雲和之琴

瑟雲門之舞冬日至於地至之國丘奏之**豆粥**

歲時記云共工氏有不才子以冬至日死爲人

厲畏赤豆故作粥禳之**珠星**漢書云宦者淳于

陵渠覆太初曆晦朔望最密五星如連珠注謂

太初上元甲子夜半朔朝冬至時七曜皆會牽

牛

祭神

周官云以冬至日致祭神鬼

黍糕

崔寔

四民月令云冬至之日薦黍糕先薦玄冥以及

祖禰其進酒肴及謁賀君師耆老如正日

菖蒲

吳氏春秋云冬至十七菖蒲生菖蒲者百卉之

先也注菖蒲水草

射干

易通卦驗云冬至射干

生麋解角

舉觴

晉書云周顗母李氏字絡秀生

顗及嵩謨元帝時並列顯位嘗冬至舉觴賜三

子曰爾等並貴吾復何憂嵩曰恐不如尊旨顗

志大才短非自全之道嵩性直不容於世阿奴

碌碌當在毋目下耳謨小二子阿奴後皆如其

言放囚

梁書云席闢爲東陽太守在郡有能名

冬至悉放獄中囚依期而至**冰筋**撫遺云唐開

元冬至大雪簷溜皆爲冰條妃子使侍兒敲二

枝看玩帝問何物妃子笑曰妾玩冰筋**荔枝**傳

亮云星昴殷仲冬短晷窮南陸柔荔迎時萋芳

芸應節穠**陽滯**袁淑云連星貫初曆今月臨首

歲薦樂行陰政登金贊陽滯收涼降天德萌華

宣地惠司瑞紀夜晞書雲掌朝蕃**晷換**鮑照云

景移風度改日至暑遷換眇眇負霜鶴皎皎帶
雲鴈**析冰**蕭愁云天宮初動磬緹室已飛灰暮
風吹竹起陽雲覆石來析冰開荔色除雪出蘭
栽慙無宋玉辨濫吹楚王臺

臘

臘蜡風俗通云夏曰清祀殷曰嘉平周曰大蜡
漢曰臘臘者臘也因臘取獸以祭又王燭寶典
云臘者祭先祖蜡者報百神同日異祭也**索饗**
禮記云天子大蜡八伊耆氏始爲蜡蜡也者索

也歲十二月合聚萬物而索饗之也**交接**晉張

亮云臘接也祭宜在新故交接也俗謂之臘明

日爲初歲秦漢以來有賀此皆古之遺語也**報**

功漢舊儀云臘者報諸鬼神古聖賢有功於民

者也**八蜡**周禮云八蜡一先嗇二司嗇三農四

鄴表啜五猶虎六防七水庸八昆丘漢以戌日

爲臘**送故**續漢書云季冬之月星迴歲終陰陽

已交勞農夫享臘以送故**衰日**魏莖訪議云王

者各以其行盛日爲祖衰日爲臘漢火德火衰

於戊故周戊日爲臘魏以辰晉以丑皆用衰日

嘉平

神仙傳云秦惠王七年初爲臘至始皇改

名嘉平時茅蒙修道昇天其邑謠曰神仙得者
茅初成帝若舉之取嘉平始皇聞之遂改此名

祠社

前漢書郊祀志云高祖十年有司奏令縣

道常以春二月乃臘祠社稷以羊豕**臘祀**崔寔

四民月令云十月上辛命典鑊清麴釀冬酒以

供臘祀

臘祭

說文云臘者冬至後壬戌臘祭百

神**祖臘**

魏臺訪議云王者冬以其行之盛祖以

其終臘水始生於申盛於子終於辰故水行之
君以子祖辰臘火始生於寅盛於午終於戌火
行之君以午祖戌臘木始生於亥盛於卯終於
未故木行之君以卯祖未臘金始生於巳盛於
酉終於丑故金行之君以酉祖丑臘土始生於
未盛於戌終於辰故土行之君以戌祖辰臘今
魏據土德宜以戌祖辰臘

報田

杜氏通典云伊

耆氏之代始而有蜡禮古之君子使之必報之
是報田之祭也其神神農初爲田事故以報之

又禮記云蜡祭百神以報先畱神農也歌謠周
禮云國祭蜡則歌謠詩擊土鼓以息老幼不臘
左傳曰晉侯假道於虞以伐虢官之奇諫弗聽
以其族行曰虞不臘矣脂餼金門歲節云洛陽
人家臘日造脂花餼天宗禮記云天子乃祈年
千天宗臘先祖郊蜡唐六典云冬臘日前寅蜡
百神於南郊衣香唐六典云中尚署臘日進衣
香囊縱飲蔡邕獨斷云臘者歲終大祭縱吏民
宴飲非但迎氣椒井養生纂要云十二月臘夜

令人持椒卧井旁無與人言納椒井中除疫病

豆糜

風土記云吳中二十五日煮赤豆作糜暮

夜闔家同享云能辟瘟氣雖遠出未歸者亦留

貯口分至襁褓小兒及僮僕皆預故名曰數粥

臘鼓

歲時記云村民臘日打細腰鼓而宴諺云

臘鼓鳴春草生

道臘

道書云道家有五臘正月

一日爲天臘五月五日爲地臘七月七日爲道

德臘十月十二日民歲臘十二月正臘日爲王

侯臘爲五帝校定生人處所分野降注三萬六

千神烝其日可謝罪析求延年益壽**小歲**崔寔
四民月令云俗謂臘之明日爲初歲秦漢以來
有賀晉張亮議徐爰家儀蜡明日爲小歲賀稱
初歲福始登無不宜**觀蜡**家語云子貢觀於蜡
孔子曰賜也樂乎對曰一國之人皆若狂賜未
知其樂也子曰百日之蜡一日之澤非爾所知
也蜡之祭勞農以休息之言民勤稼穡有百日
之勞今日飲酒燕樂君之恩澤也非爾所知其
義大也**監臘**列女傳云魯毋師魯九子寡母也

臘日歲祀禮事畢召諸子謂曰婦人之義非有大故不出夫家然吾父母家多幼雅歲時禮不理吾從汝謁往監之諸子皆稽首唯諾又召諸婦曰婦人有三從之義無專制之行少繫於父少長繫於夫老繫於子今諸子許我歸私家雖踰婦禮願與少子俱以備婦人出入之制諸婦其慎房戶之守吾夕而反於是使少子僕而歸

瘦羊

東觀漢記云甄宇北海人建武中青州從事徵拜博士羊人一頭羊有大小肥瘦時博士

祭酒議欲殺羊稱分其肉字曰不可又欲投鉤
字復耻之字因先自取其最瘦者後召問瘦羊
博士所在京師因以爲號**免奴**裴崧後漢書云
韓卓字子助陳留人臘日奴竊食祭其先人卓
義其心即日免之**祀竈**搜神記云宣帝時陰子
方者當臘日晨炊而竈君神形見子方再拜受
慶家有黃羊因以祀之自是以後暴至巨富故
後常以臘日祀竈**非志**鄭玄別傳云玄年十二
隨母還家正臘宴會同列十餘人皆美服盛饍

語言閑適玄獨漠然如不及父母私數督之乃
曰此非我志不在所願**改臘**謝承後漢書曰沛
國陳咸爲廷尉監王莽篡位還家杜門不出莽
改易漢法令及臘日咸曰我先祖何知王氏臘
乎**伏臘**唐書云蕭昺李林甫所引不知書嘗與
嚴挺之言稱蒸嘗伏臘乃爲伏獵挺之白九齡
曰省中有伏獵侍郎乎**罷獻**唐書云憲宗元和
九年十一月戊子罷京兆府罷獻兔狐**志操**會
稽典錄云陳修鳥傷人家貧爲吏常步檐上下

恒食乾糲每至正臘僵仆不起同僚飲食請不
肯往其志操如此**賜脂**酉陽雜俎云臘日賜北
門學士口脂臘脂盛以碧綵牙筒**告歲**裴秀云
日躔星紀大呂司辰玄象改次庶衆更新歲事
告成八蜡報勤告成伊何年豐物阜豐裡孝祀
介茲景福報勤伊何農功是崑穆穆我后矜茲
蒸黎飲饗清祀四方來綏**歲盡**張望云鮮冰迎
流結凝溜垂簾賁人欣入蜡暢誰知歲聿盡**清**
祀詩云凝寒迫清祀有酒宴嘉平宿心何所道

籍此慰中情

除夜

歲莫詩云日月其除歲聿云莫**更始**禮記云日
窮于次月窮于紀星回于天歲且更始**分歲**風
土記云除夜祭先竣事長幼聚飲祝頌而散謂
之分歲**宿歲**荆楚歲時記云歲除家家具肴蔌
宿歲以迎新年相聚酣飲**逐除**呂氏春秋云季
冬前歲一日擊鼓驅疫癘之鬼謂之逐除亦曰
傺**大傺**論語云鄉人傺孔子朝服立於阼階又

張衡云卒歲大儺

儺翁

秦中記云歲除日儺皆

作鬼神狀二老人儺翁儺母

儺子

續漢書云大

儺侏子儺音振逐疫之人也

守歲

蘇軾云蜀風

俗晚歲相餽問謂之餽歲酒食相邀爲別歲除

夕達旦不眠謂之守歲

去歲

荆楚歲時記云留

宿歲飯至新年正月棄之街衢以爲去故納新

盛烜

南部新書云歲除太常卿領官屬樂吏併

護僮儺子千人晚入內至夜於寢殿前儺蠟燭

沉檀焚煌如晝其夕賞賜甚多

爆竹

異聞錄云

李旼隣人仲叟家爲山魃所祟叟求報謝而妖
彌盛旼謂曰公旦夜於庭中若除夕爆竹數十
竿叟然其言爆竹至曉寂然妖遂止

照田 吳中風土記云村
貧富皆爾爲之相煖熱
落以禿帚若麻點然火炬縛長竿之杪遍照田
土爛燃盈野以祈絲穀

打火 又云除夜將曉雞
且鳴婢獲持杖擊糞壤致詞以致利市謂之打
灰堆此本蠹清洪君廟中如願故事惟吳下至

今不廢**鍛磨**僧園逸記云都下寺院每用歲除

鍛磨是日作鍛磨齋**醉竈**夢華錄云都人年夜

請僧道看經備酒果送神帖竈馬於竈上以酒

糟抹竈門曰醉司命夜於竈裏點燈謂之照虛

耗**鍾馗**荆楚歲時記云明皇晝寢忽夢虛耗二

鬼怒呼武士偶有大人頂帽衣袍捉鬼擘而啖

之問其姓氏乃曰終南山進士鍾馗也今人掛

鍾馗謂食虛耗**藏鉤**風土記云臘日以後叟姬

各隨儕爲隅藏彊分二曹以校勝負又云藏鉤

漢武故事上巡狩河間見清光自地屬天望氣者云下有貴子上求之見一女子在空室中姿色殊絕兩手皆拳數百人擘之不舒上自披即舒號拳夫人即鉤弋也後人因效之爲藏鉤之戲李商隱云楚妃交薦枕漢后共藏閭**祭**金門歲節記云賈島常以歲除取一年所得詩稿祭以酒醺曰勞吾精神以是補之**何遜**唐書云寶懷真會歲除中宗宴近臣謂懷真曰聞卿喪妻今欲繼室可乎懷真唯唯俄而禁中寶扇障

衛有衣翟衣出者已乃衛后乳媼所謂莒國夫人者故蜚婢也懷貞納之不辭世謂媼婿爲阿奢懷貞每奏事輒自署皇后阿奢而或謂國奢軒然不慚商陸裴度傳云度嘗除夜儺者殆曉不寐爐中焚商陸火凡數添火山紀聞云唐貞觀初天下又安時爲除夜太宗盛飭宮掖明設燈燭盛奏樂歌乃延籥后觀之后曰隋主淫侈每除夜殿前諸院設火山數十藝沉香木根每一山皆焚沉香數車火光昭則以甲煎沃之燭

起數丈香聞數十里
酒庾肩吾云歲序已云
難春心不自安聊開柏葉酒試黃五辛盤金薄
團神鷲朱倪印鬼丸梅花應可折惜爲雪中看
迎送唐太宗云暮景斜芳殿年華麗綺宮寒辭
去冬雪暖帶入春風階馥舒梅素盤花卷燭紅
共觀新故歲迎送一宵中
待臘又云歲陰窮暮
紀獻節啓新芳冬盡今宵促年開明日長冰消
出鏡水梅散入風香對此觀終宴傾壺待曙光

類稿卷第四 終